



Bájkkeavijssa NuorttaSálto

Lågådallam Áhkkánjárgan

NAV Ofoten ásadij fáhkabejvev badjel 80 NAV-barggijda Ofuohtáguovlon, ja danna Árrana direktørra, Lars M. Andreassen, lågådáláj buorre barggobirrasa ájnasvuoda birra ja hásstalusá dan hárráj.

Duodden aj ballotjiekjamklubba Mjølnera hárrjídalle ja jádediddje, Ivar Morten Nordmark, lågådáláj arvusmahttema ja bavrrima birra. Divtasvuona ASVO jádediddje, Beate Ráhka Knutsen, lij aj gáhtjodum, ja subtsastij sijá viddnudagá birra mij le ávddánime vuolen. Giehtoj aj gáktu dáhkki hiebadit bargov ja áhpadusáv. Máhttsap Lars Andreassenij. Sån álgij ietjas lågådallamav giehttomijn gá akti lij rádnas gatjádám jus máhtij subtsastit mij buorre barggobirás lij? Dav de rádnas ittjij diede, danen gá jurra lij barggam viessomájgenis!

Dát subtsas giehttu gáktu bargodibme ij la oasev válde aktijvuodas, birrusis. Barggobirás moattekultuvralasj barggosajijn lij aj juoga man birra Andreassen giehtoj, gánná duohtadaláj rabás ja dahpadum organisasjávnnájt. Árranav ávddánbuvtij guovdátjin gánná muhtem mærráj dahpadum systemma le, moattebelak barggobirrusijn; stuor sieradusáj álldara ja bargoj hárráj. Bargon gájbbeduvvá máhtukvuohtha ja ij etnisitehta. Ij viertti sábmie liehket Árranin bargatjit.

- Akta mijá hásstalusájs majna barggap, le dábdodo «mijá» birra, ja «mijá institusjávnná», járkij Lars.

Ja aj ájnasvuohtha aktisasjtjáhkanimij, fágallatjat ja háldadime hárráj. Nav bargge oahpástuvvi nubbe nuppe barggodilij.

Sajátjin gá Ájluovtan, gánná Árranav gávnnap, le dábálasj lahka fuolkke- ja rádnnavuodaj barggij gaskan. De le aj ájnas rádjánis barggo-prosessaj, vaj ij sjatta juorruubime rollaj, hábilitiehta ja profesjonáliehta hárráj. Árrana direktørra subtsastij aj gáktu barggobirás guovdátjin galggá luojttet iehtjádijit



Tæksta: Geir Smelror
Járggálibme: Divte Media AS/Ingrid Kintel

ÁRRAN-DIREKTØR holdt foredrag for over 80 NAV-ansatte i Ofoten.

oasev váldátjit sijá barggosajes.

- Sihtap liehket rabás guovdásj. Divna vierttiji bessat liehket sáme ietjasa láhkáj. Gávnnuui moadda «rávvissáme», gejna li sáme ájttega, valla gudi ihkap e dábdá ietjasa sábmien danen gá e gielav máhte jali e gápptáj tjána. Dá galggi aj dábdodát ietjasa buorisboahthem Árranin, javlaj Andreassen, ja járkij:

- Sidáv aj galggá luondulasj liehket dádttjaj diehki boahitet. Árran berus mijá aktisasj histávrrás, juska diedon sáme bielev tjalmostip.

Hæjto bielen direktørra aj guorristij dágástallamav namá birra Narvik/Áhkkánjárgga.

Larssa ittjij jáhke lij sáhka álmuga balo birra jur sáme nammaj, ij ga vuosstemiel-

la sámevuodas, valla farra ballo masseimis ietjas identitehtav, sijddadáv.

Hiejtij javllamijn ahte Vuonarijkan lip ilá mælggadav álgodam sáme namájt.

- Miján le aj sijddadávdo tjanádum sáme namájda, javlaj Lars Magne Andreassen.

Lájtálisá Divtasvuona ruhtaadnuj

Sáme birrusa li murkestam gá Divtasvuona suohkan le oajjvadam sáme gielavirgijit Prestegårdstunet skihppiisjidan ja Ájluovta skávlán gádodit. Sierraláhkáj li Ájluovta skávlá sámegielak oahppij æjgáda gujttim ávddánammadusá sáme giellarudáj ano oajjvádussaj. Divtasvuona budsjáhtta giehtadaláduvvá uddni suohkanstivran.



Thomas Amundsen hárrjídalle Stabækan

Gáktu Bájkkeavijssa ávdep vahko tjálij, lij Ájluovta Thomas Amundsen akta áhttsijs hárrjídallebarggij Stabæka nuorraásudagán. Dálla galggá sáme rijkajuohkusa hárrjídalle álgget hárrjídallen Stabækan ádájagij maññela. Ajtu joarkká sáme nissunij rijkajuohkusa hárrjídallen.

